



Broj: 07/2-14-40/18
Vogošća, 20.03.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14-Prečišćeni tekst i 14/15), Općinski načelnik dana 20.03.2018. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE ODRŽAVANJA
SOFTVERSKIH APLIKACIJA "DOCUNOVA", "DATANOVA", "NOVAPANEL", SISTEMSKOG
ODRŽAVANJA SERVERA, TE NABAVKE ANTIVIRUSNOG PROGRAMA ZA POTREBE
OPĆINE VOGOŠĆA**

Član 1.

Ponuda ponuđača "Itineris" d.o.o. Tuzla, ulica Pozorišna bb Tuzla, odabrana je za pružanje usluge održavanja softverskih aplikacija "DocuNova", "DataNova", "NovaPanel", sistemskog održavanja servera, te nabavke antivirusnog programa za potrebe Općine Vogošća, kao jedina pristigla ponuda, sa ukupnom cijenom nabavke u iznosu od 10.132,50 KM bez PDV-a odnosno 11.855,03 KM sa PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 28.02.2018. godine donošenjem Odluke o pokretanju pregovaračkog postupka bez objave obavještenja o nabavci sa jednim ponuđačem broj: 07/2-14-40/18, pokrenuo postupak nabavke usluge održavanja softverskih aplikacija "DocuNova", "DataNova", "NovaPanel", sistemskog održavanja servera, te nabavke antivirusnog programa za potrebe Općine Vogošća, putem Pregovaračkog postupka bez objave obavještenja o nabavci sa jednim ponuđačem.

Na prvoj sjednici Komisije za javne nabavke, prilikom otvaranja početne ponude dana 15.03.2018. godine, Komisija za javne nabavke je utvrdila da je pristigla jedna ponuda i to ponuđača "Itineris" d.o.o. Tuzla, broj int. knjige 106/18, sa ponuđenom ukupnom cijenom nabavke u iznosu od 11.225,00 KM bez uračunatog PDV-a.

Komisija za javne nabavke je razmotrila pojedinačne dokumente ponuđača koji je dostavio potrebnu dokumentaciju u cilju provjere formalno-pravnih uslova. Po završenom postupku pregledavanja formalno-pravnih uslova, a obzirom da je početna ponuda ponuđača "Itineris" d.o.o. Tuzla blagovremena, uredno kovertirana i sadrži svu potrebnu dokumentaciju, Komisija za javne nabavke je utvrdila da početna ponuda navedenog ponuđača ispunjava formalno-pravne uslove.

Komisija za javne nabavke je izvršila i računsku provjeru dostavljene početne ponude i utvrdila da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH", broj: 90/14 i 20/15).

Nakon toga Komisija za javne nabavke je pristupila pregovorima sa ponuđačem "Itineris" d.o.o. Tuzla oko konačne cijene ponude. Po okončanju pregovora, Komisija za javne nabavke je konstatovala da je ponuđač "Itineris" d.o.o. Tuzla pristao na sniženje svoje početne ponude u iznosu od 1.092,50 KM bez PDV-a, a što je konstatovano Zapisnikom o obavljenim pregovorima broj: 07/2-14-40/18 od 15.03.2018. godine.

U nastavku pregovora od ponuđača je zatraženo da dostavi svoju konačnu ponudu, a u skladu sa odredbama člana 28. stav 5. Zakona o javnim nabavkama BiH ("Službeni glasnik BiH" broj: 39/14).

Ponuđač "Itineris" d.o.o. Tuzla je dana 19.03.2018. godine dostavio svoju konačnu ponudu za pružanje usluge održavanja softverskih aplikacija "DocuNova", "DataNova", "NovaPanel", sistemskog održavanja servera, te nabavke antivirusnog programa za potrebe Općine Vogošća broj int. knjige 109/18, sa ponuđenom ukupnom cijenom nabavke u iznosu od 10.132,50 KM bez PDV-a.

Komisija za javne nabavke je pristupila razmatranju finansijskog dijela konačne ponude ponuđača "Itineris" d.o.o. Tuzla, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Član 21. stav c) Zakona o javnim nabavkama BiH određuje da Ugovorni organ izuzetno može ugovor o nabavci dodijeliti putem pregovaračkog postupka bez objave obavještenja o nabavci u slučaju kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču.

Održavanje softverskih aplikacija "DocuNova", "DataNova" i "Nova panel", sistemsko održavanje servera, te nabavka i isporuka antivirusnog programa za potrebe Općine Vogošća u 2018. godini, sa ponuđačem "Itineris" d.o.o. Tuzla je potrebno provesti putem Pregovaračkog postupka bez objave obavještenja o nabavci sa jednim ponuđačem jer je ponuđač "Itineris" d.o.o. Tuzla vlasnik izvornog koda za sve naprijed navedene aplikacije, te se na osnovu toga podrazumijeva njihova instalacija aplikacija kao i sistemsko održavanje svih servisa na serverima Općine Vogošća. Osim toga, ova firma je ovlašten distributer licenciranog antivirusnog programa koji Ugovorni organ koristi već duži niz godina ("Eset-NOD...").

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Itineris" d.o.o. Tuzla, za pružanje usluge održavanja softverskih aplikacija "DocuNova", "DataNova", "NovaPanel", sistemskog održavanja servera, te nabavke antivirusnog programa za potrebe Općine Vogošća, sa ukupnom cijenom nabavke u iznosu od 10.132,50 KM bez PDV-a odnosno 11.855,03 KM sa PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Itineris" d.o.o. Tuzla
2. Nadležnoj Službi
3. U dosije
4. a/a

035/364-272

OPĆINSKI NAČELNIK


EDIN SMAJIC